



Inatsisartunut ilaasortaq
Jens Immanuelson
Siumut

§ 37 naapertorlugu ajoqit pillugit apeqqut nr. 270-imut akissuteqaat

Asasara Jens Immanuelson,

Naalakkersuisut ajoqit pillugit apeqquteqaatigisatit qutsatigaat.
Naalakkersuisut biskoppip allaffianit paasissutissanik pissarsiniarsimapput.

1. Ajoqit ilinniarsimasut atorfirmmut atatillugu nuunnerini atugassarititaasut qanoq aaqqissuussaappat?

Akissut:

Ajoqit atorfik, ilinniagaqarsimalluni ilinniagaqarsimanani, taamaattuunini naapertorlugu najukkami suliffiuvoq. Taamaasilluni Kalaallit Nunaanni Ilagiinnit ileqqorineqanngilaq illoqarfinit aamma nunaqarfinit allanit ajoqissarsiortarnek. Tamanna tungavigalugu taamatut atorfinitsinneqarnermi atugassarititaasoq ajoqit tungaasigut 2014-mi sulisunut isumaqatigiissummut atuuttumut ilaanngilaq. Atugassarititaasorli soorunami kattuffimmit isumaqatiginninniarsinnaatitaasumit kissaatigineqassappat, pineqartumi tullissaanik sulisunut isumaqatigiisutit isumaqatiginninniutigineqarnerinut ilanngutsinneqarsinnaavoq, tamatumalu kingorna suliffeqarnermi akuusut akornanni nalinginnaasumik periuseq naapertorlugu isumaqatiginninniutigineqassalluni.

2. Ajoqit ilinniarsimallutik organistitut pattattuujutigisut akissarsiatigut qanoq aaqqissuussaappat?

Akissut:

Atorfimmi qaammammut aalajangersimasumik aningaasarsiaqarluni ajoqit atorfimmi Ajoqinut, ajoqinut ilinniagaqarsimanngitsunut aamma pattattunut Naalakkersuisut aamma Sulinermik Inuussutissarsiuteqartut Kattuffiata akornanni Isumaqatigiisutaanni 14. november 2014-imeersumi § 2 (imm. 1) naapertorlugu qaammammut akunnernik 80-inik aalajangersimasunik sulisussaaneq ilaavoq, takuuk isumaqatigiissummi tassani § 3 (imm. 1).

Taamaasilluni atorfik piffissap affaanut atorfiuvoq. Ilageeqarnermit isigalugu "ilagiinni atorfitut" atorfik pineqarpoq - soorlu palasit atorfik.

Qaammammut aalajangersimasumik aningaasarsiaqarluni ilinniagaqarsimalluni ajoqit, tassalu Kalaallit Nunaanni Ilagiinni "ilagiinni atorfitut" atorfimmi isumaginnittuusup, taamaattuunini naapertorlugu (kisimiilluni) pattattut sulineq sulisumut taartaasut isumagisarsinnaavaa. Taartaalluni pattattumut 01. april 2015 aallarnerfigalugu aningaasarsiaqartitsisoqartarpoq akunnermut suliffiusumut ataatsimut 85.91 koruuninik.

18-11-2015
Suliap nr. 2015 - 14932
Allak. nr. 1505025

Postboks 1029
Oqa: 34 50 00
Fax: 32 30 73
3900 Nuuk
Email: iikinn@nanoq.gl
www.nanoq.gl

Inussiarnersumik inuulluaqqusillunga

Nivi Olsen